


土岐文庫
文庫17
W61
1



20-1
文庫 17
W61
1

蜀詩

權輿有明洪武訖崇禎計共
得蜀人二百六十四家選詩
一千一百七十六首舊編二
十五卷今合為十五卷

鷺溪孫氏藏板

大正八年

序

古棠書屋

昭和二十年二月一日
古棠書屋氏
寄贈

010185186160

帝王畫州分土風四民以節義有一州之山川必有一
州之人物有一州之人物相與成一代之文章固山川
亘古不易而人物文章恆視節義爲汙隆古昔十五國
之風貞淫正變不同聖人著之爲經而民俗奢娛儉嗇
亦異誦其詩則其政可知知其政則賢人君子所以維
持其邪者列國之風由此其采矣自後世大一統唐人
以詩取士而體制偏于賦固當時有初盛中晉之分而
無東西朔南之別世故謂雕紅刻翠而詩纖月露風雲
而詩靡作者雖多授之以政舉不達也然猶幸賴李杜
韓白諸大家以經時識世之才爲雄博絕麗之學上窺
四始下明五至使風雅之源可尋姬孔之教不墜雖元

舍弟子舉學綦江寄所爲試帖詩三十餘首并舊刻編
爲二卷屬序愚謂學者學爲父子君臣使人有修齊治
平之學而儲天下國家廟堂異日人才之用者也自漢
唐以策論詩賦舉人而世之託於學者美其名焉耳後
暨王荆舒創爲經義勒限程式調劑浮聲毆士法新倍
者卽刑緒翦炎漢軌隆朱明劣夫貿子夥競干榮說者
猶謂王胡歸唐諸公程文卽起韓柳歐蘇各大家爲之
亦不能遠過夫一代之興必有一代之文章風會氣運
天實寄人而開主之者非雄於昔聖於技不能范后世
之英髦駿足才力膚敏之彥 國朝鄉會試三場監四
代進賢之法八股策論外兼試佩文官韻五字律詩一

首學者尤爲盡心曩予弱冠溺苦詩古文詞嘗抱所學
浮江淮說京師求事當代名公鉅卿逮海內仁人賢者
維崑長洲王君念豐有十家試帖詩之刻蓋學士儒雅
宣直餘閒從容翰墨寄跡雕纖爲末學後生型然亦可
見太平治郅日下人文之盛卽一技論而風會成焉竊
嘗評 本朝試律自河間尙書我法集及穀人祭酒有
正味齋內館閣外名家之作實右唐宋諸賢與勝國制
藝爭長今子舉壯抱寒瓊飯常不足而欄杆苜蓿方日
與諸生討論經史旁涉聲律裒然一家寄予是正且附
書曰澍繫跡無足輕重之官偶爲無足重輕之學聊耗
壯心消遣離愁每霽晨霞夕頰閣外大江東去白雲西

飛憶 慈母婆娑支離倚門望子之狀若在目前計明
年春水生日扁舟返里廬從吾兄鷺溪之上涓南陔補
舊學茂經濟講明經禮明德親民之旨焉用官子曰書
云孝乎惟孝友于兄弟未知於古之學者當何如復曰
如弟所言實獲我心他日者綦人過橫舍執是編栖懷
舊鐸齊衡詞苑亦未知文彩風流於十家之外風會隆
替又何如嗚呼庭闈迺眞樂地畎畝古有偉人道不遠
人世爲道而遠之苟且學問膠於詞章外修身齊家日
冀倖富與貴汨沒其才識者豈能副天下國家廟堂之
厚望哉

道光壬辰八月兄瘦石鉉撰

編斤斤焉爲之校量者誠以一代之文獻無徵不信而蜀風之盛自漢以來昔人所謂幾于齊魯者洵非誣云道光癸巳八月鷺溪孫澍序

文章之作也廣博而取精多其傳也行序而言有物言有物矣尤必待人而後行有明文章之盛經義爲宗次則歌詩江左燕師名公鉅手崇尙臺閣標榜風華雖規撫之痕未泯而復古之功居多此其概也若夫西蜀天末一隅惟楊用修之才藻艷人耳目他或無傳嗟乎西南之什兼載野人滄浪之歌不遺童子苟弗得人爲之撰述使一州之民俗風謠漫漶漸滅醜於荒烟蔓草也豈不大可嘆哉然志於古而域于無徵之不信與考据

小十七
詳而謬於雅俗之不擇者亦不足以永文章之傳今費君仲若揆淵雲之才丁板蕩之日逋秦寇遯烽火仇離沔漢羈栖江左迺浩然發奮肇初洪武攸卒崇禎提槩懷鉛不遺耳目蓋自亂離以來大懼岷峨玉壘閒文獻將墜不得已遠搜幽索厲恭敬桑梓之深情後暨厥子此度又從而肯構焉補苴焉或得諸片紙全豹未窺或列鼎當前一變自足去取不盡詳審而井絡膚敏劍閣芳華顯則因詩見事微亦託事存詩凡厥哲人竊嘗覆椹明史其功業彪炳者無不符合而山林遺逸異代孤臣與夫畸士潛夫思姬怨女方外黃冠羽客名篇單詞亦隨附見輯爲卷帙其父纘子繼用心與力之勤蓋云

偉矣曩未嘗付梓蜀中人士鮮聞知道光十二年歲次壬辰雒張玉泉孝廉以其尊人雲谷所鈔藏副本見貽鎮近治學聲律益疏病弗能校舍弟子皋時司鐸渝南因轉寄勦補並錯簡是正明年春子皋告養回鷺溪村舍杜門却軌晨昏餘力東西老屋風雨一編相與聯牀討論又歷半載而書始成肆俾梓人聿攻堅木予嘉厥志爲言曰是編也可謂廣博而取精多矣撰次蜀人之行可謂有序而不紊矣采擷蜀人之言而衷諸忠孝節義可謂有物矣獨是迹關一代閱三百年入國朝又閱二百年倣克傳世雖方隅之幸亦勝國文章得失大凡也若謂待人而行雖後生前賢里閭相望則有皇然

小十三
不敢自信者矣海內大人先生其教之是又匪獨子弟
兄之幸也夫癸巳小除夕岷陽孫鎮撰

蜀詩總目錄

明

卷第一計共古近體詩九首

蜀獻王椿

蜀惠王申鑿

蜀成王讓栩

卷第二計共古近體詩六十九首

趙天澤

趙善瑛

楊訓文

楊基

楊春

張兌

王彝

徐賁

胡子昭

胡子義

王璉

蹇義

汪懷

郭文

牟倫

晏鐸

江困

周洪謨

余子俊

桂山

鄧山

李冕

尹東郊

馬炳然

張賁

馮衡

卷第三計共古近體詩七十一首

楊春

楊廷和

蕭日翀

鄒智

李充嗣

劉節

劉景寅

戴錦

任瀚

李韶

余寅

劉瑞

高公甲

章庸之

唐臣

溫仁和

陳輔

安磐

張鵬

王忠

朱琉

王宣

程啟元

楊最

徐文華

宿進

會 璵

卷第四計共古體詩八十二首

楊 慎

卷第五計共近體詩二百一十一首

楊 慎

卷第六計共古近體詩一百二十六首

楊仲瓊

陳 講

高任說

葉桂章

羅洪載

李 楫

趙 官

張愈巖

羅 玉

張 獅

韓士英

黎克勳

金 皋

余承恩

余承勳

余承業

彭汝寔

簡紹芳

朱子和

馬升階

杜朝紳

席 春

張可述

李鳳翽

李應元

姜玉潔

姜 漢

李懷道

周 瑤

甘為霖

熊 過

王惟賢

高世彦

任有齡

張鏗

樊垣

劉誠穆

高節

曹邁

周滿

柳英

陳杰

趙貞吉

胡汝霖

黃元白

蹇來譽

陳宗虞

馬麟

竇翰

陳巨勤

謝東山

范懋和

周爻

李臨陽

毛起

日菴

張佳胤

卷第七計共古近體詩六十五首

來知德

朱陽仲

王詠

劉世曾

蹇達

蹇宗伊

徐尚

夏可漁

張鵬

卷第八計共古近體詩八十七首

莊誠

莊祖誥

龔懋賢

陳于陞

李長春

唐可封

張一鮑

唐香山

熊敦樸

蘇雨

楊宗吾

陳惟直

陳惟舉

董廷策

李元齡

郭維禎

陳效

范醇敬

伍文煥

黃輝

祝似華

張紀

瞿溥

馬禎峨

周大愚

顧造

胡汝耕

王詢

倪斯惠

章評

王三錫

卷第九計共古近體詩四十七首

朱之臣

古德懋

馬紹愉

劉肖俊

王應熊

卷第十計共古近體詩七十六首

董為

韓位甫

李濂

莊祖諄

李春先

董翼

朱采

李養德

朱常佐

尹伸

楊鏘

李鳴皋

胡承學

張任學

聶世澄

周麟

張亮

楊倅

鄧璜

陳孟

劉道真

范文英

楊師道

盧元卿

王璉

吳允謙

穆貞澈

孫宗茂

劉范

卷第十一計共古近體詩九十五首

呂大器

張拱機

柳寅東

費經虞

程翔鳳

陳周政

花上苑

李賓

李祥

呂潛

呂溥

何其徽

劉養貞

雷起劍

宿士敏

曹椿

趙熠

卷第十二計共古近體詩一百又三首

齊瓊芳

張于鼎

李含乙

楊 荀

楊延極

李永周

唐階泰

楊 展

安爲畢

潘 紱

朱耀先

朱 圻

祝之至

郭奎先

徐永周

趙司鈔

趙士昂

王 岳

王 淑

張三顛

王命來

劉道開

余 恂

卷第十三計共古近體詩五十三首

費 密

卷第十四計共古近體詩六十二首

釋

來 復

守 牧

廣 育

宗 止

宗 璧

行 學

性 藏

祖 嵩

道 潛

海 明

通法

引忍

方示

南嵩

見初

行澹

本堅

行浣

昌泰

道

鐵樹宮道士

卷第十五計共古近體詩二十九首

閻秀

黃安人

李氏

鄧氏

謝慧卿

汪氏

楊氏

馮氏

賈婦

宋氏

尹紉蘭

朱懷瓊

姚淑

蕭烈婦

蜀明詩總目錄全



蜀詩卷第一

明

新繁費經虞仲若輯

岷陽孫澍子皋校訂

蜀獻王椿

獻王太祖第十一子洪武十一年封王孝友慈
 祥出于天性博綜典籍容止都雅帝戲呼為蜀
 秀才二十二年就藩蜀聘方孝儒為世子傅表
 其居曰正學以風蜀人臨講罷學知諸博士清
 貧分祿月一石廩之著為令時諸王皆備邊練
 士卒而王獨以禮教守西陲番人入寇燒黑崖
 關王請于朝遣都指揮瞿能隨藍玉出大渡河

小...

蜀詩...

邀擊之自是蠻人讐伏前代兩川之亂皆因內地不逞者鉤致為患有司私市蠻中物或需索啟爭王請縮錦香扇之屬從邸定為常貢餘悉免蜀人由此安業日益殷富東西川二百年不被兵革者皆王力也永樂二十一年薨集詩文各二卷今錄詩一首

送方希直還漢中

岷山峩。江水決。我藩西土。俾民曰康。靡言匪依。靡善匪得。閱士孔多。惟彼希直。謙曰自牧。卑曰自持。雍容儒雅。鸞鳳之儀。翊予屏服。克敬克勤。非德不言。非道不陳。職思其歸。義不忍奪。言采其芹。嘗教如渴。昔先之來。

春日載陽。今先之歸。北風其涼。悠我心念。先良苦諸宰臣。工祖于江。許王道如砥。既歌且詠。二日初吉。道出南鄭。沔彼江漢。六合同流。瞻彼岷峩。鬱其相繆。子如我思。道豈云遠。子不我思。臨風繾綣。

澍曰詞意古穆猶見緇衣好賢之雅

蜀惠王申鑿

惠王定王子警敏好學敬禮賢士宏治六年薨集二卷今錄贊詞一篇

張三丰像贊

猗與夫君。出世匪常。曩自中土。移居朔方。長身山立。美髯戟張。飄乎神仙之度。皎乎冰雪之腸。南遊閩楚。

東畧扶桑。歷大千之世界。參化人而翱翔。曰儒曰釋。曰老曰莊。皆潛通其奧旨。迺懷玉而深藏。朝來紫氣忽臨。華陽寡人難窮。年于亥豕。而但題其像曰堂。疑久從遊于黃石赤松。而為漢代圯上之張子房。

蜀成王讓栩

成王惠王之孫。性靜哲喜儒雅。不邇聲伎。動遵禮法。創義學。修水利。賑飢救災。善政為諸藩冠。嘉靖十五年冬。巡撫吳山。巡按金粲以聞。賜勅嘉獎。署其坊曰忠孝賢良。嘉靖二十六年薨。集二卷。今錄詩七首。

玉階怨

落日下西苑。深宮風雨多。定嫌蒼蘚滑。玉輦不曾過。

早秋

岷江正早秋。露下蘆汀濕。水禽來一雙。飛傍疎枝立。

擬古宮詞五首

五雲深處隱樓臺。轉轂韶光日夜催。三十六宮齊望幸。玉輿經歲不曾來。紫禁鴉啼曙色明。麗譙隱隱不聞聲。各宮妝束焚香候。祇恐君王道院行。

澗曰朱竹垞明詩綜曰宮詞一百首題雖擬古然如翠華一去寂無蹤。疑諷康陵而作。只恐君王道院行。疑諷永陵而作也。

新觀玉歷識正初泰運三陽藹帝居御座特安圓閣子
內朝新置女尚書

綺窗垂柳綠婆娑長日庭磚景又過六院不通花落盡
門前鸚鵡罵人多

人二都道得神仙那得鸚陽甘谷泉何似上闕宮監好
長門春老不知年

澍曰雜擬諸詩猶有唐賢風味 今按有明開國諸

王文學首稱蜀府獻王椿有獻園集孫定王友垓有

集十卷曾孫申王鑿有惠園集惠王孫成王讓初有

長春競辰集成王孫端王宣圻有端園集五葉皆有

集著錄亦盛事也惜世代悠遠兵燹間作失傳無從

徵之矣

蜀明詩卷第一

蜀詩卷第二

明

新繁費經虞仲若輯 岷陽孫澍子皋校訂

趙天澤

天澤新邲人字鑑困通春秋與同邑杜圭齊名
元末棄官薄遊江南無貴賤皆倒屣迎之善書
田劉伯温基一日與行省大臣論江左人物首
及基眾愕然且竊笑之天澤退贈基文有蕭何
拔韓信多德師孔明之語後基佐太祖定天下
齊名武鄉人始服其藻鑑文載翊運錄集若干
卷亡今錄楊用修所傳詩一首

吳江汎月

餘霞斂遙岑。微雲生近浦。江行得良夜。皓月傍柔櫓。茫
茫天欲流。歷歷星可數。水螢乍明滅。沙禽或翔舞。此意
誰與同。三高渺千古。

澍按圖繪寶鑑二 困善畫楫此詩亦復清絕

趙善瑛

善瑛成都人字廷璋垂髫即能詩長九潛心六
籍隱居教授元末明玉珍據蜀匿樂績山中累
徵不就洪武初明昇內附廼還成都築室錦江
濱洪武三十七年二十七有八賦觀化詩端坐
而逝白號玉峯山人集若干卷今錄詩一首

卜築

錦里幽棲處。悠然遠俗囂。地偏車馬少。山近市城遙。松
竹連溪徑。藤蘿掩屋茆。長年窮典籍。垂老混漁樵。見小
悲蛙窟。忘機夢鹿蕉。野人宜此樂。過客莫相嘲。種菊開
三徑。橫琴咏九皋。黃葵舒永日。紫芋待終朝。守道居顏
巷。嫌喧棄許瓢。薄田多種秫。平阜廣栽蕎。鵝鴨游深沼。
牛羊牧近郊。芝蘭香滿砌。枸杞翠連坳。採藥攜輕筥。觀
蓮縱小舸。考槃時諷誦。得句自推敲。堦壑從茲穩。弓旌
漫遠招。茗甌供伏臘。土簞薦溪毛。牧子吹羌篴。仙童品
玉簫。南山曾採蕨。左手慣持螯。麋鹿為新侶。松筠是故
交。烟霞情浩二。詩酒樂陶二。寵辱身都忘。功名念已拋。

唐虞今在宥容我作由巢

澍曰頽仰身世由亂離遭際有明國運維新不戚一貧賤汲二富貴其人與學兩不可及

楊訓文

訓文潼川人字克明元末淮海書院山長遇亂居江都吳元年徵爲起居注遷左司郎中洪武三年禮部尙書四年改戶部參政河南五年卒集若干卷今錄詩四首

春日

攜琴偶爾來尋幽入芳樹林密鳥聲寂坐久憺忘慮振衣下崇岡斜陽滿歸路

寄石仲文

故人別後復如何不寄新詩到薜蘿賈誼書成何日上張衡愁比向昔多江城木落霜連地澤國天寒水不波重約明年秋八月紫薇花底共鳴珂

贈友

與子分攜後星霜二十年重逢驚老大惜別更畱連花落春江雨鶉啼野樹烟幽懷浩難寫愁墮酒尊前

遂安舟中

溪徑沿松入柴門傍竹開一牛臨水立雙鴨避船回病眼青山豁歸心白髮催何因菡浦上野老共傳杯

楊基

基嘉定州人字孟載穎敏絕人九歲能背誦六
 經著書十餘萬言名曰論鑒會天下亂從厥考
 徙居吳張士誠辟為記室未幾辭去至正洪武
 之際與高啟張羽徐賁齊名人目為四傑以薦
 入官至山西按察使被讒奪職供役卒于工所
 著眉庵集若干卷今錄詩十八首

感懷

韞鷹斂六翮棲息如鷦鷯秋風颯然至聳目思凌霄英
 雄在承平白首為漁樵匪無搏擊能不與狐兔遭長星
 亘東南壯士拭寶刀落二丈夫志悠二兒女曹
 鄧禹南陽來仗策歸光武孔明臥隆中不即事先主英

雄各有見何必問出處孫曹與更始未可同日語向非
 昭烈賢三顧猶未許君子當識時守身如處女

澗曰二詩當為舜張士誠記室時作玩其詞旨自是
 諸葛君所謂俊傑之士

登南浦

開船別西山遙迤向南浦帆輕去自速初不用篙櫓蒼
 蒼烟中樹橐二響斤斧一女沙上汲眾漁洲畔語我行
 歲云晏况復遠儔侶回首北歸鴻翩二下寒渚

望南嶽

我從匡廬來但覺諸山低嵯峨望衡嶽雲霄與之齊下
 有赤蛇蟄上有朱雀棲仰瞻祝融拔俯揖紫蓋迷五嶺

皆培塿三江為涿蹄巍然南服尊
 嵩霍相提攜封秩崇君稱諸神
 咸朝賸丹書篆寶冊萬古封金泥
 百王重祀典赤纜藉玉圭自非精
 靈通牲帛勞焚齋予方向遠道
 無由陟層梯蒼烟霞中嵬聞天
 雞緬思昌黎伯恭默開雲霓靈
 貺自昭格誠敬良可稽斯人久
 云沒感念徒含悽

湘女

湘水既瀾湘山亦峩空明影上下
 但覺魚鳥多我方駐輕橈聽彼湘
 女歌湘女佩幽蘭徐行拂青莎春
 風吹衣裾芳香動微波淑質自妍
 麗不待綺與羅真修慎所適窈窕
 山之阿盈青樓婦日暮將如何

聞隣船吹笛

江空月寒露華白何人船頭夜吹
 笛參差楚調轉吳音定是江南遠
 行客江南萬里不歸家笛裏分明
 說鬢華已分折殘堤上柳莫教吹
 落隴頭花

登岳陽樓望君山

洞庭無烟晚風定春水平鋪如練
 淨君山一點望中青湘女梳頭對
 明鏡裏芙蓉夜不收水光山色兩
 悠悠直教流下春江去消得巴陵
 萬古愁

長江萬里圖

我家岷山更西住正見岷江發源
 處三巴春霽雪初消百折千回向
 東去江水東流萬里長人今漂泊
 尚他鄉

烟波草色時牽恨風雨猿聲欲斷腸

岳陽樓

春色醉巴陵闌干落洞庭水吞三楚白山接九疑青空
潤魚龍氣嬋娟帝子靈何人夜吹笛風急雨冥

澗曰四十賢人

秋霽雜賦

晚樹霜猶碧秋花雨未黃戎衣輕錦繡旅食尚糟糠驛
路千山隔河流一葦航傳聞兵不戰已定法三章

送王仲容之上海

薄宦依東海孤城隔戍烟花疎寒食後人遠暮帆前深
巷編蒲履斜岡種木棉母煩厭荒寂微祿有畚田

贈翟好問

笑爾山城隱柴門對縣衙酒資千畝孳生計一園瓜雨
步荷巾濕風吟蓆帽斜時二扶短杖看竹到東家

感秋

嫋二西風吹逝波冥二瀨氣逼新河宣王石鼓青苔澀
武帝金盤白露多八陣雲開屯虎豹大江潮落見鼉鼉
沅湘一帶多秋草欲采芙蓉奈晚何

澗曰沈歸愚曰孟載春草詩云六朝舊恨斜陽裏南
浦新愁細雨中誠為佳句他如春風顛似唐張旭天
氣和于魯展禽白鷺下田千點雪黃鷗上樹一枝花
則殊垂大雅右篇風格頗上

贈京妓宜時秀

欲唱清歌却掩襟。晚風亭子落花深。坐中年少休輕聽。此曲先皇有賜金。

故山春日

千花萬萼委塵埃。只有酴醾獨自開。應是鄰家更零落。過牆蜂蝶各飛來。

澍曰言外有世態炎涼之感

鯉魚山阻風天甚寒雨皆成霰

江南天氣大無憑。草色烟光暖欲蒸。向晚鯉魚風乍急。盡吹小雨作春冰。

望武昌

吹面風來杜若香。離離烟柳拂鷗長。人家鸚鵡洲邊住。一向門開對漢陽。

春風吹雨濕衣裾。綠水紅妝畫不如。知是漢陽川上女。過江來買武昌魚。

澍曰右三詩情詞質直俱是古竹枝之遺

楊春

春元末蜀亂。居吳字子壽。博學能詩文。呂舉子業。爲人師。張士誠兵入平江。巷戰死。吳興張文蔚作楊參議。詠另一人集若干卷。今存詩一首。

秋閨

郎在天涯妾在樓。西湖楊柳又三秋。郎心不及湖中水。

城北城南宛轉流

張兌

兌成都人字文說集未見今從友人處錄詩一首

長歌贈天如上人

老僧肯至道機熟杖錫孤飛下天目吳人買地城河東
故宋名家有喬木怪石蹲踞如獅王清吼時二聞空谷
月中萬竹含清輝烟際羣峰立蒼玉亭臨石磴容鳳栖
澗接飛梁看虹浴梅龍南指非羅浮柏子西飄豈天竺
法門無礙人得窺翳二天華繞禪屋何當與師臨玉池
一洗煩囂樂幽獨

王彝

彝字常宗其先蜀人以父官崑山教授遂遷吳
嘉定自號媯子洪武初由布衣召修元史官
翰林後坐太守魏觀事坐法死集若干卷今存
詩七首

秋林高士圖

嵐峯半殘陽彩翠明林杪僧塢遠鐘微歸人下山少風
杉落葉響驚起棲烟鳥攜手願言還前村月初皎

題李太白像

青天無人代天語一星西落銀雲渚嫦娥戲弄青瑤波
傾向人間金巨羅龍孫醉吸海爲酒日月雙飛織錦梭

仙鬼千年王母宴。謫來醉臥金鑾殿。玉環腮上桃花小。玉尖香膩龍涎硯。靴塵煖撲貂璫兒。蹋破青天捉月飛。一聲叫斷扶桑雞。海枯化作蓬萊雪。夢裏長庚大如月。

瀟湘雁

蘆根晚寒雁唳。二沙嘴無人星曆。二聞有數聲。何處來。相呼忽動風中葉。雙飛不復過衡陽。翎閒猶帶橘州霜。歸來影落碧沙冷。愁山一夜攢瀟湘。夢裏湘天動積雪。白溝河上琵琶咽。猶見當年舊節旄。幾回拂向穹廬月。

偶題

旅舍多歸夢。今歸夢始真。孤城五更雨。百死一全身。短日同慈母。浮雲是故人。欲辭城郭去。漁釣老江津。

東歸有感

路斷江淮已足憂。繁華猶自說蘇州。萬人金甲城頭騎。十丈朱旗郡裏樓。麋鹿西遊吳苑冷。雁鴻南去渚宮秋。拚將一掬東歸淚。付與婁江入海流。

竹谷

獅子林

幾曲轉透迤。月明人跡稀。長空秋露白。一犬吠山扉。

臥雲室

秋潭看月還。片雨千山暝。獨有鉢中龍。蜿蜒伴僧定。

徐賁

賁蜀人徙居吳。字幼文。洪武初。呂薦授官。至河南。布政使司坐事下獄。賜死。集若干卷。今存詩。

三首

過荷葉浦

粼二水溶春澹二烟消午不見唱歌人空來荷葉浦無處寄相思停舟采芳杜

柳短二送陳舜道

柳短二春江滿蘭渚雪融香東風釀春暖山長水更遙浩蕩木蘭橈蘭橈向何處送君南昌去離愁落日烟中樹

送西伯滋赴西河將幕

上將初分閫儒官解習兵風旗春獵野雪帳夜歸營洮水從岷下祈山入隴平知公能載筆草檄報邊聲

胡子昭

子昭大足人字仲常初名志高一字伯尚師事方正學建文嘗官刑部左侍郎靖難兵入被執不屈死父母年八十餘子三人俱謫戍正德中巡按御史熊相建祠祀集若干卷今存詩一首

臨刑詩

兩閒正氣歸泉壤一點丹心壯帝鄉寄語新朝朱紫客牧圍羈縲兩無妨

胡子義

子義子昭弟字未詳官至山東按察僉事聞兄

殉難棄官避于丹稜民家獻王聞而憐之命祝
髮隱于僧子義以父母遺體不敢毀傷有二子
棄去不知所終集若干卷今存詩二首

懷鄉

一區廢宅棠山下半畝方塘夕照中鄉國匪遙身自遠
乾坤雖大不能容

題夷齊廟

一代征誅事業荒求仁兄弟感義皇空山薇蕨年長
猶為高人護首陽

澍曰怨而不怒猶軌風人之旨

王璠

璠遂寧人字汝玉考立中元末官松江太守因
家長洲永樂朝官春坊左贊善與修大典以官
寮得罪下獄論死洪熙初贈太子賓客諡文靖
集若干卷今錄詩八首

秋夜

桐風絃商聲竹露琤寒滴室幽月離壁古蟲唧
莫行可企朱明奄成昔方來無新歡既逝多故感晶
窗下燈照我為痛客
憂聽不及遠客夢不暇長哀風弔中夜落木鳴迴廊幽
幽籬下菊尚綴微薄芳嚴霜將卒至生意安所望失時
貴潛智揚已徒見傷君子識時命遯跡庸何妨

寒月如利戟。稜二不可干。愁人如秋蟬。嘒二哀鳴酸。新
泪迸。故眼後。噫。續前歎。誰言一寸心。中有慮萬端。
羈貧日彌甚。破屋秋夜長。數點星挂帳。五更霜落牀。寒
風刺雙足。峭若嬰劍鏃。自憐憔悴生。安得逢春陽。
澍曰寒苦之音沈警刺骨其不幸也先為之兆矣

秋夜懷沈秀才二首

螢栖哀葦寒。月斂疏蘿暝。羈懷悄無歡。背臥風燈影。
高枝烏夜啼。更深人語定。正欲絃枯桐。古調誰能聽。

虎垞游集和韻

中吳饒佳遊。茲山極殊觀。旁礴踞皋陸。嶺岼軼霄漢。靈
巖南蔽虧。震澤西衍漫。岩嶷頰城堞。參差蔽里閭。飛甍

凌巘出。紺宇橫林奐。餘霞皎陰夕。初旭縛晴旦。宗周昔
無主。四國爭發難。闔閭紹遺業。傲睨雄東翰。伯圖未畢
終。宮車忽云宴。年遙代祀忽。世變物情換。高臺閱雨花。
曲池冥烟蔓。崖崩雷鑿紋。石駁餘斷劍。諸君美無度。暇
日窮幽翫。憑眺信多奇。弔古屢增歎。伊予旅江壖。接武
嗟阻限。迎風仰清穆。披藻羨芬爛。重尋倘能卜。偕行願
幽贊。

為朱仲昂題薛澹園竹

我家昔住岷山麓。遠屋曾栽萬竿竹。如今見畫却題詩。
憶在山中春雨時。暮雲作團飛不起。空翠滿衣秋欲洗。
何當重掃石牀眠。一任露華涼似水。

蹇義

義巴縣人字宜之初名瑤為中書舍人時太祖微行至省與語識之太宗既立晉吏部尚書寄股肱心膂收淳實養天下以和平之福宣德三年賜第京師撤大內石山呂飾亭榭在位五十年計為冢宰三十年天順間卒諡忠定仁宣二廟所賜宸翰皆稱元輔而不名也集若干卷今存詩一首

送楊員外旭歸蜀省墓

紫誥初頒煥玉音扁舟重過大江濶峽中綵纜繫春色天外蒲帆帶夕陰折柳長亭生別思焚黃先壟遂初心故園父老如相問為說叨恩雨露深

澍曰詩則未見所長

汪懷

懷先世婺源人以祖指揮因家蜀字惟德集若干卷今存詩一首

懷歸

乘舟清夜逐飛鳧一棹夷猶過鏡湖彭澤舊栽三徑菊吳江新贍四腮鱸夢回巫峽猿聲切日斷衡陽雁影孤頭白歸來猶及養北堂彩服學萊夫澍曰後四讀之令遊子增寸草春暉之感

郭文

文邑未詳號舟屋楊升庵與文唱和嘗稱其登
華岳寺詩云河勢欲浮雙塢去關形如擁太華
來惜其全篇不稱爲易首尾存集中亦未見奇
特茲故弗錄集若干卷今存詩一首

常州旅次

堤邊流水高于城搖二孤艇浮空行欲晴未晴疏雨外
斷虹落日爭鮮明峩二塢勢遠凌漢隱二雁行看不見
行人夜向酒樓宿一聲欵乃蘆花岬

牟倫

倫宜賓人字君倫官給諫集若干卷今存詩一
首

謫戍肅州留別京師同官

行二策馬出皇畿古木寒霜獨鳥飛朝右故人青眼盡
蜀中諸弟素心違秋風九坂雲連棧明月重關露滿衣
白髮一頭身萬里幾回清夢遶宮闈

澍曰忠愛

晏鐸

鐸富順人字振之官至御史巡按兩京山東皆
有聲望後以言事謫上高縣典史興學鋟姦隣
邑寇亂鐸承檄捕歸所掠于富民皆譽翁然景
泰中稱十才子之一集若干卷今錄詩五首
送曹與忠

帳別臨歧路。滄江欲暮時。我懷殊未已。君去獨何之。鄉國多新夢。天涯少故知。別來明月夜。無那思淒其。

登黃鶴樓

宦遊歲月易蹉跎。登覽其如感慨何。黃鶴不來仙已去。古樓猶在客重過。青山遠樹寒烟積。芳草平洲夕照多。此日獨吟傷往事。長江渺二水空波。

聞笛

河橋楊柳半無枝。多爲行人贈別離。羌女不知蕭索盡。月明猶向笛中吹。

九峯山行

三徑重開書屋。九峯舊隱人家。欲辨武陵春色。溪流泛

出桃花

曲徑沿流上下。蒼苔白石粼粼。落日惟聞啼鳥。空山不見行人。

江 困

困江津人字時用號定庵官至閣學贈少師集若干卷今錄詩二首

石佛寺

招提高峙與天隣。夕梵晨鐘遠近聞。出洞龍翻千嶂雨。上樓僧躡一梯雲。穹碑古篆何年刻。深院名香盡日焚。安得投閒居此地。北林猿鶴應同羣。

岫雲寺

金碧樓臺曉靄間。遠尋幽闕叩松關。殘紅亂點蒼苔路。
濃綠微分翠竹山。度嶺浮雲空渺。落崖流水自潺。
塵緣俗慮都拋却。且放麤官半日閒。

澍曰一結想見居要津人不能自己之苦

周洪謨

洪謨長寧人字堯弼負經濟才諳國家典故其
計積穀禦寇備蠻處流民諸疏皆確鑿可行官
至禮部尚書晉太子少保集若干卷今錄詩二
首

雪山天下高

巨靈擘斷崑崙山。移來坤維參井間。內作金城障三蜀。

外立碉樓居百蠻。自昔蠶叢始開國。千巖萬壑積寒雪。
疑有五城十二樓。玉色玲瓏界天白。光連銀漢霏素虹。
六月大暑飄寒風。俯見五嶽在平地。遙窺三島歸洪蒙。

眉山天下秀

大峩兩山相對開。小峩迤邐中峩來。三峩之秀甲天下。
何須涉海尋蓬萊。管我登臨彩霞表。獨騎白鶴招青鳥。
雲龕石洞何參差。時遇仙人拾瑤草。丹崖瀑布連天河。
大鵬圖南不可過。晝昏雷雨起林麓。夜深星斗棲崑阿。

登翠屏山

翠屏山俯大江東。仗策登臨曉日紅。一帶崑巒多宿露。
半天樓閣自秋風。翱翔欲遍三千界。夢寐何心十八公。

小十
今日故鄉逢好友。放懷高唱白雲中。

余子俊

子俊青神人。字士英才。畧開敏。尤知兵事。服官多在西北。而榆林修邊之功甚大。嘗曰。人臣事君。當隨事盡力。凡有建樹。卽近且小。亦必爲百年之計。又曰。大臣謀國。遇大利害。當身任其責。豈得市恩遠怨。爲自全地。年六十一。會楚蜀大祲。慮有變。奏遣重臣鎮壓。以銷未萌。疾且革。猶屢問章上。得報否。侍者應曰。尙未下。側身面內。而歿。生平外和內嚴。正不忤俗。廉不市名。奏對符檄。援筆立就。言簡意該。一時爲朝右推重官。

至兵部尙書贈太保諡肅敏集若干卷今錄詩

二首

三巖紀遊

一陪元老翠巖隈。屐齒分明印綠苔。使節乍傳青鳥至。皇華遙帶白雲來。摩天石筍三峯出。繞澗羊腸一徑開。冠冕文章真大手。殊荒今見勒銘才。

中江真虛觀

青鞋布屐陟層巔。望道其如未及泉。天近尋常塵不到。旬當十月猶弦。山花亂落爲誰掃。野鶴相隨在我前。未卜重來從野客。山靈珍重護寒烟。

經虞曰尋常十四對本杜陵老人

桂山

山成都人字本寧景泰進士官至廣西右參政
集若干卷今存詩一首

桂林新亭

新構危亭桂嶺東瘴烟消盡百蠻通千層海水浮天白
萬里扶桑入夜紅旗開風雲霄漢外關屯虎豹翠微中
九重此日深柔遠舟航仰大同

謝曰精詞偉麗

華岳

山內江人字未詳天順進士詩一首

大華三一切魚河一瓢山形蟠北極關勢接中條飛

迷雲去一橋夜來仙夢冷高臥在丹霄

謝曰一有勢

李大堯

字崇岡天順進士官至陝西按察使
集若干卷今存詩一首

洞庭歌

湘江蜀江秋水來洞庭如鏡浮天開顛風鳴二破空吼
巨魚人立濤驚雷客船夜半城邊泊貫酒長歌岳陽客
須臾風定月轉明平沙雁落君山碧

尹東郊

六三〇九十一

蜀詩卷二

六

古棠書屋

東郊嘉定人字敬孚詩一首

宿報恩寺

鼓罷禪房一曲琴。本來城市即山林。纖埃不到心如洗。萬古乾坤入浩吟。

馬炳然

炳然內江人字思進成化進士官至右副都御

史詩一首

大崖山

看遍東南十萬山。大崖青又落尊前。亂雲引馬遵鮮岫。瘦竹扶人下坂泉。歷歷奇峰堪作供。滔滔寒溜不知年。逍遙此地長相待。靜結勞生半日緣。

賁華陽人字未詳成化進士官至太僕寺少卿

詩一首

後湖卽事

夕武湖頭好放船。春風載月宿湖邊。燒殘列炬回官馬。亂蹴飛花上妓筵。萬里江山家渺渺。一川雲樹蝶娟娟。洲前凝望沾鄉思。又聽漁歌下楚天。

馮衡

衡合州人字未詳成化進士官至吳江令詩一

首

送王給事璽入都

我從山中來。送君天上去。要為天下奇。須肩天下事。

經虞曰右作不過朋友贈言之常亦自淺近廼給事身後謗言鋒起至索此詩焚之始弭何井蛙之多也

蜀明詩卷第二

蜀詩卷第三

明

新繁費經虞仲若輯

岷陽孫澍子皋校訂

楊春

春廷和父新都人字未詳官至湖廣提學僉事

詩一首

名武聖泉

丹崖翠壁隱寒烟。名武山西古聖泉。竹露靜中喧漏箭。松雲深處響冰絃。尋源忽到崑崙頂。茂對渾如太華前。蘭氣山尊延勝賞。數聲啼鳥自唐年。

楊廷和

廷和字介夫號石齋成化十九年二十九先其
 考成進士告歸娶為人美風儀服官性尤鎮靜
 持重中外倚之武宗崩豹房與皇太后決策禁
 中迎立興獻王長子是為嘉靖鋤奸璫江斌凡
 政令有不利于民者皆稱遺詔罷之天下大悅
 總朝政者三十九日後以議大禮削職為民年
 七十一卒隆慶初復官贈太保諡文忠集若干
 卷今錄詩四首

送周少宰秦府分封

少宰分封賜命圭寶函新冊爛金泥恩波入渭天潢近
 使節臨關出岳低銓事暫辭宮內外民風兼問陝東西

皇華驛路驅馳暇雅興猶能及品題

送神武蔡千戶致仕還湖州

神武掛冠歸舊隱赤松相伴話長生車前紫氣青牛引
 天上新聲彩鳳鳴軍務不惟繁白戟醉鄉何處是烏程
 太湖合是逃名地畫舫絃歌自在行

秋林驛

桃花溪水繞山流半是黃沙擁作洲瘠土幾灣剛有麥
 平林一望更無楸絃歌雅俗從今換桑柘生涯不外求
 好寺欲游二未得賞心聊寄驛前樓

鹽亭縣

幾番寓宿鹽亭縣未得閒情一賦詩土俗舊從張老變

高山曾受杜陵知，溪深野水流雲氣。雪壓寒梅帶玉姿，
夜上聽星橋上望。三高鄉在有餘思。

蕭 狎

狎內江人字未詳蚤成二化進士歷仕四朝晚
晉爵宮保聲望赫奕而居家不異寒素集若干
卷今存詩一首

卽墨藍御史東崖書屋看日出

海嶽分來未了青一方佳勝此憑陵東馳日觀三千里
北去天門九萬層松倚崑阿雲蓋偃泉奔石隙雪車騰
樓頭借與長風便足躡青雲試一登

鄒 智

智合州人字汝愚號立齋初家貧讀書龍泉僧
寺掃樹葉代燭舉省試第一鄉人聚觀智馬上
吟詩曰龍泉山下一書生偶捷三巴第一名世
上許多難了事眼前溫飽愧生平明年登第會
星變上書言陰陽消長之理欲退萬安劉吉尹
直而用王恕彭韶詔獄掠幾死神色自若謫廣
東石城典史鶉衣就道既至官事修舉暇則從
陳獻章論學年二十六終于貶所集若干卷今
錄詩四首

謫嶺南僻闕詩

雲韶聲靜拜彤墀臣職君恩愴去思罪人固應誅兩觀

網疏猶得竄三危。盡披肝膽知何日。更對冠裳未有期。但願太平無一事。小臣萬死更何悲。

巡海呈周文郁

逢一疏林酒一行。侍兒親倚櫂歌聲。管聞海水如天遠。今見山花似火明。烟外孤帆風正駛。雲中欵枕夢初醒。細看斗笠非難製。誓耦荒倉老此生。

寫懷

朝野方傳英主事。安危寧係小臣身。百年培養成興國。萬死投荒作幸人。碌碌白頭同是盡。茫茫青史更誰真。夢中不識身匏繫。又逐東風入紫宸。

夜泊馬竈 胡晦吳獻臣

戊度同洞 燕聲徹海雲中百年身世歸何處

已 嶺更東

正齊詩末 豈然忠愛之氣時 二流露豈惟 所學 也人 要其 人也厚

李充嗣

充嗣內江人號梧山成化進士官至兵部尙書
澍按陳繼儒見聞錄正德十四年梧山巡撫南
京聞宸濠請兵護衛嘆曰虎而翼禍將作矣遂
力陳反狀廷議難之公迺旦夕設方畧飭武備
念安慶畿輔重地適當賊衝以指揮使楊銳爲
之保障十五年賊兵陷九江公自將萬人屯采

石塞上游飛檄皖城諭以忠義銳相機應敵發
皆大捷又爲間諜火牌聲言官兵十餘萬并兩
廣狼兵土兵刻期水陸並進宸濠一路兵至李
陽河遇火牌覽之驚駭由是散亡居半公又發
水卒千人盛其標幟乘飛艦百餘艘鼓譟而進
爲安慶應援城中望見士氣百倍銳卽開門出
敵水陸夾攻賊遂大潰時宸濠營于黃石磯聞
敗宵遁公自將兵逐北宸濠奔入鄱陽湖遂爲
巡撫王陽明所擒審若是宸濠之敗雖結局于
江西而實潰亡于安慶雖收功于王陽明而實
得力于李梧山存此以補正史之缺集若干卷

今存詩一首

岳陽樓

百尺危樓枕洞庭。古今遷客幾曾經。衡湘雨過千山碧。
海岳春歸萬里青。孤棹寂寥橫野渡。宦途飄泊笑浮萍。
老夫憂樂心長在。盡日欄杆眼獨醒。

劉節

節嘉定人字介之成化舉人官至彝陵州知州

詩一首

蟠龍洞

去年烟雨入蟠龍。今日經過又雨中。萬壑奔泉雷出地。
一峯跨壁日當空。俯窺下界都成水。長嘯諸天更有風。

兩度馳驅倦鞅掌。江流滾滾自朝東。

劉景寅

景寅長寧人字未詳成化進士觀政戶曹劉瑾招致不從勒為民瑾誅論薦始出官至陝西參政詩一首

謁希夷先生祠

遠林斜徑漸幽探。山自深青水蔚藍。三尺斷碑苔蘚合。白雲深處老圖南。

載錦

號洞庵長壽人成化進士官至南京戶部主事有洞窟集若干卷今錄詩一首

御作詩... 文選于北山

望遠江頭獨鶴還。柱史遊臨... 氣游入長嘯。蹋蒼烟。天風颭。吹青鬢。共擬浮槎到日邊。

任瀚

瀚字少海南充人成化進士官至春坊司直少海深于易學乞休時年甫四十從學者甚眾詩亦成家著有逸草若干卷今錄詩十八首

別林女雨

顥氣肅西原。百卉莽消落。促織鳴前除。流螢照高閣。美人發堯甸。揚舳向周洛。輪囷集中野。惆悵命蘭酌。念予

遺世姿行去焉。栖託杜蘅與江蘼。芳馨遠蕭索。玉壺抱
冰心。清華諒難歇。古有王子喬。飛仙振寥廓。塵纓厭世
鞅。所思在五岳。達人有本性。何用廢好爵。柴門昨寄書
空山長蕨蕨。

杪秋書懷

白露下叢薄。層城回夕陰。冉二歲華宴。浩予幽趣深。時
運既苦促。誰免年鬢侵。零落昭王臺。黃金成古今。

邯鄲姬

十四理紅妝。十五侍王昌。王昌古蕩子。轉戰出河陽。舞
袖聞春綺。歌鐘虛夜堂。不落平原寵。空令文信傷。愁見
關山道。萋二烟草長。

秋江道人彈琴歌

彈琴秋江上。虬鬚不知名。侍兒有麻姑。似言此是王方
平。別去人間五百載。來過洛陽宮殿改。道逢小女青童
君。手把珊瑚話東海。琴終問年謝不知。曾見明皇學語
時。神龍自有風雲氣。珍重還山鍊五芝。

送華陽陳鍊師

尋真遠溯蓬萊流。微聞海客談瀛洲。雲昏不覩穆天子。
但識仙人陳虎坐。仙年不少亦不老。歲畊青霞種瑤草。
人間已過三千霜。上界霓裳聽未了。神霄夜冷風露粗。
明星墜地生白榆。輝二一粒照八表。餌之可以升元都。
堯舜禹湯苦衰朽。鼎湖弓劍在人口。起騎黃鶴入青冥。

世上功名付屠狗

雪山歌送嚴茂州

雪山風嚴寒刺骨繩州城下鬼夜哭都護營門燐火青
名王指帳番姬宿胡頭軍吏璽璽斃伐鼓椎牛獻酋長
刺史行營大點兵戍樓畫角千山響李廣在邊軍莫愁
贈君寶玦珊瑚鉤君能提劍拔髮濮直取中原萬戶侯
烽烟遠靖青海頭歸來畫像麒麟樓功勳史策萬年留

陳愚猛士歌

不見杜陵老生破草卷白蒿不人明光殿南陽屠沽

通五下曰城林三河上兩聖士鄧霍元功

聖臨高親賜制暉章坐閱

函簿歸燕許第武中可收官軍意旨不許

諸兒講武撚箭颯沓愁胡雲徇州陳愚

敵野歷野才高上將壇名家世領

上標暉風西吹酒泉都龍沙犯月三重暈安得突出

一騎殺萬八牛奪班超虎頭印

病懷

海甸逢南菊殊方也自花江淹新臥病王粲老無家皓
月千門做秋風兩鬢華還持石函記句漏訪丹砂

關中得廬北紀書

昆吾老去荷清時淮海書來憶夢思庾信飄零知遇少
謝名英爽論交遲五陵日薄上官谷少華霜清王子陂

肺病早留丹井在早衰應負羨門期

入關示諸鎮將帥

金書列券傳三輔銅柱高標限百蠻行在包茅通海嶠
留都編戶過天山九邊形勝依秦隴百二河山枕漢關
都護未收龍尾鎮將軍好破月支還

晚次閬州滕王臺

蘆荻陰二王子臺秋臺冥二嘯猿哀浮雲萬疊巴歌合
落照千帆估客來石燕側窺江練舞岸花斜背枳籬開
月明繫纜錦屏下滿眼江山弔劫灰

園林避暑簡宋伯清都憲

王粲征衣翦芰荷杜陵江檻壓盤渦藤陰日影遲二合

花雨天香細二過佩劍拔來燕將舞洞簫吹出楚人歌
山精木客還多事日暮窺人到薜蘿

遠懷詩

漢兒不作中原計空詔奇才異代看東觀老儒文字盡
西京猛將髑髏殘螟蝗世難江鄉遍魍魅秋清戰鬼寒
空有英雄憔悴在人前和淚讀周官

孫鎮曰議論實佳不負遠懷第王介甫曾為周官誤
矣司直讀之果能通其意與抑詩人託為高致與

咸陽東樓望闕

天外終南鼓角雄清秋絲管郡樓風正思袞冕青天上
細聽簫韶白露中身世淹留雙鳳闕乾坤衰老一漁翁

小文
承明當日文。章署玉佩。承行接上公。

春野

鉅鹿新春接館娃。王孫走馬向天涯。蕪城綠水兼芳草。茂樹黃鸝非故家。宮酒憶霑元夕宴。菜畦分植上城花。江山戎馬何多事。腸斷西風日暮笳。

五丁峽別衡昆

峽關猿嘯五丁秋。落木雲臺旅客愁。後會知余先白髮。六朝滄州胡牀對酒。北山驛霜。旆掃衣何處樓。

西遊煩

晴松花無數。點春衣。洞簫吹起前山月。

去深也 不歸

奇唐興湯道人

改廟前烟水。鷓鴣啼雨落花繁。三年別後無消息。

舊南州幾輩存

李韶

韶富順人。成化進士官工部郎中。多所建。白吏部尚書王恕甚器之。擢雲南參政。宸濠時遷江西布政使。罷歸。集若干卷。今存詩二詩。

歸自江右畱題廟柏一首

古柏森森翠接天。歲寒抱節幾經年。幹老只求鸞鳳宿。枝高不許葛蘿纏。任他冰雪十分冷。自與松筠一樣堅。

古堂書屋

古堂書屋

神明富有扶持力。正直能令造化專。

經虞曰後宸濠敗有司按韶事跡見此詩知無所染
名節獲全詩言志信矣

秋浦

秋浦生晚烟。蟬聲在高樹。時見打漁人。來喚斜陽渡。

余 寅

寅子俊長子字青野以蔭入官至指揮同知集
若干卷今錄詩二首

中巖

二十年前此叩關。重來偷得片時閒。烟籠遠樹還成雨。
路入層巖欲到天。峰頂尚容僧禮佛。雲中真見犬皆仙。

老夫別具觀空眼。每為登臨一慨然。

壁津懷古

東行信宿大江邊。感昔懷今一悵然。風月三生尋舊約。
江山六代入新年。御街燈火宵弛禁。水調笙歌曉泛船。
往日二難招不起。西風吹冷菊亭泉。

劉 瑞

瑞內江人字未詳官至南京禮部侍郎著有幼
學稿若干卷今存詩一首

孝娥井銘 有注

浙江臬署宋武穆王故宅也東南有井王昔詔
獄女抱銀瓶死今按察使大用梁公亭覆之榜

曰孝娥井瑞為作銘

天柱斃日為月禍忠烈由檜檠娥痛父冤二莫雪赴井
抱瓶泉化血曹娥之江符介節噫嘻井可竭銘不滅

高公甲

公甲宏治進士內江人字未詳官至南京戶部

員外郎詩一首

宿後湖

五甲湖光一葉舟飄然送我逐沙鷗半陂皎月青山晚

夜涼風白露沈鍾阜士衡清雷滌金陵黃屋紫雲浮

廟衣冠在異世遭逢迥不侔

章應之

厲之捷為人字未詳詩一首

西坡寺

山寺帶斜曛南枝落鳥毳西坡一停驂浮名謝拘繫
帝坐微涼裊二風泉細夕鐘起藤蘿雲深碧無際

唐 臣

臣內江人字堯佐號拙庵宏治進士官至鞏昌

府知府詩一首

道林寺

側徑葳蕤轉更高道林西寺入層霄竹深雨霽猿偷菓
松遠茶烟鶴定巢斷續笛聲何處牧縱橫花影入雲樵
龐眉道士曾相識流水空山話六朝

大之乃多十八

同詩卷三

十一

古棠書屋

温仁和

仁和華陽人字民懷宏治進士官至禮部尙書
大學士諡文恪詩一首

華山

去到太華巔因窺昊天洞日月藤蘿中卓午綠陰重

陳輔

輔宏治進士不詳何邑人從友人便面錄詩一首

東崖

東崖一徑接南山長日晴烟鎖翠鬢林影靜搏風力緊
溪流清襍鳥聲閒賓筵列酌春初晚樵徑行歌夕共還

更欲披秦凌絕巘仙人遺跡隔塵寰

安磐

磐嘉定人字公石宏治進士官至兵科給事回
新都楊慎議大禮廷杖削官家居著家禮儀節
萬歷初贈太常少卿集若干卷今存詩十七首

玉液泉

徑轉華嚴南有泉出幽谷未得汲王明長年飲麋鹿滋
然瑩心胸下馬試一掬層崖落珠璣齒石嗽寒玉向來
飲酒甘肺病困三伏歸去積塵昏夢想時在目安得調
水符月一輪十斛

峩眉二首

小文
元氣開青壁。雲屏落紫烟。直登天九萬。重闢界三千。馴
虎依巖伏。羣龍抱月眠。佛光飛不定。來往畫簷前。
翠連雲外樹。風掃雨餘天。寺古神鴉集。樓高海鶴還。封
長筴夏后。雪積自堯年。便欲鐫軒冕。層巒受一塵。

西坡曉望

一宵風雨逼朝晴。野徑無塵送客行。石角亂雲圍馬首。
樹頭殘滴送鶯聲。吟邊坱壑無凡想。夢裏山靈理舊盟。
路轉西坡東北望。一林烟火簇春城。

峽中

六月瞿塘灩澦堆。江流如馬刷雲來。昭君村抱琵琶峽。
神女祠連雲雨臺。峭壁斷崖無鳥過。古藤昏樹有猿哀。

夜來風雨濤。黍壯消得夷陵濁酒杯。

哭毛用成同年

原注

用成廻翔給事十五年。同予大禮之議。廷杖死。
旅櫬南歸。殆將萬里。旆出彰儀門。哭而送之。

小臣忠愛有誰知。碧血淋漓御史衣。青鎖禁中啼鳥散。
碧雞坊外旅魂歸。伏門未遂心猶壯。大禮初成願已違。
雲白山青萬餘里。何年化鶴帝城飛。

觀瀑

弱水通天漢。不見河上公。石梁飛暴雨。一夜起蛟龍。

題僧閣

簷邊飛鳥過。樹杪泉聲落。山行不見僧。更上歸雲閣。

閒居

折竹聲乾萬壑虛。晚風江上有歸漁。巡簷自索梅花笑，雪裏何人到野廬。竹杖綸巾避俗翁。閉門終日對寒松。抱琴不是難成調。流水高山一萬重。

遊凌雲寺

青衣江上水溶溶。隔岸時聞戒夜鐘。暫借竹牀聽梵放。月華初上第三峯。林竹斑斑二月上。遲鳥啼花落暮春時。凌雲不是蒼梧野。却有峩眉望九疑。

謝曰王漁洋曰峨眉山三峯正值凌雲九峯之西中隔

三江至其地始知其詩之工

山中二首

紫烟花雨濕晴山。已宿招提弟四關。橫笛夜深秋睡起。懸流飛出古松間。落日西風入化城。萬山回合一溪橫。誰知今夜峨眉山。高坐靈巖聽鶴聲。

題酒肆

一幅青帘柳外斜。村橋春色自桃花。錦袍烏帽金龜換。夢裏長安弟幾家。

過印上人故居

杖策當年詣遠公。禪關相見話從容。虎溪月色長如舊。

小十
淚下西樓夜半鐘

張鵬

鵬夾江人宏治進士官至吏部郎中詩一首

大峩峰頂

一登峩頂上冷然如御風山川曠懷抱天地歸洪濛四海烟雲盡三生色相空峯巒靈秀在來問老蘇公

王忠

忠瀘州人宏治進士歷官僉事詩一首

路經華陰

大風橫掃見青天二外三峯落照殘老眼矇矓開笑口
鹽蹄特二
蒞陰前

湖口不見用事之迹

朱璠

璠瀘州人宏治進士官至南京戶部員外詩一

首

舟曉

沙鳥將雛護石根垂楊繫纜掠波痕半江春水連三月
兩岸桃花白一村祈歲鄉儺新社鼓征帆客夢舊柴門
蓬窗侵曉無人語濁酒重溫老瓦盆

王宣

宣捷爲人字承德宏治進士官至河東副使集
若干卷今存詩三首

遊毘盧寺

勝覽遍叢林。僧房作浩吟。偶從行藥地。分得坐禪心。夜
靜鳥聲寂。雨來雲氣深。百年一駒隙。華髮鎖相侵。

伏虎寺

幾年塵土夢。得臥遠公房。雨過雲根淨。風吹石髮香。小
溪秋水碧。蚤稻野雲黃。為愛山行樂。淹留亦不妨。

光相寺

遠遊三月不知還。路入沙溪劫外山。方丈忽驚雙屐響。
木魚聲散落花斑。

程啟元

啟元嘉定人。字以道。官御史。目直諫。削籍。隆慶

初贈光祿寺少卿集若干卷今錄詩二首

峨眉山寺

一夜中峯雨。清涼曙色新。可知垂老客。擬作問禪人。石
徑休辭滑。山雲不染塵。會當凌絕巘。一覽小西岷。

塞下曲

陣雲如蓋曉風腥。塞下金縉歲不寧。五國城頭秋月白。
單于新得海東青。

澗曰兼有諷刺

楊最

最射洪人。字殿之。號果齋。正德進士官至太僕
寺卿。以直諫謫戍。世與羅洪先楊椒山并稱三

先生詩一首

九日寄羅念庵

令節逢重九。清尊思故人。天涯時序變。籬畔菊花新。勳業傳青甸。文章耀紫宸。對牀何日是。回首玉堂春。

徐文華

文華嘉定人。字用光。正德進士官至大理寺少卿。以議大理謫戍遼東。赦還。至靜海。歿。州人與安磐程啟元彭汝寔同祀。名曰四諫祠。集若干卷。今存詩二首。

岳陽樓

仗節倚巴北。登臨楚水頭。晴嵐依極浦。落木下高樓。天

外雲帆晚。洲邊朔雁秋。湘君何處弔。靈瑟至今愁。

天柱峯

真人采藥天門峯。長風颯。二凌芙蓉。真人煮藥紫芝洞。丹竈寒。灰度清夢。我到山中首一尋。飛泉濺沫霑綸巾。危峯萬仞屹天柱。元鶴直上窮蒼旻。世上功名空擾。山中雲冷行人少。今我不用泛滄溟。咫尺峨眉卽三島。

宿進

進夾江人。字儒忠。正德進士官至刑部員外郎。嘗劉瑾擅權。儒忠直言受杖卒。嘉靖初贈光祿寺正卿。詩一首。

青溪漁隱

小十
星言卷三
六
粼二溪頭水凡二雲外松有水可掬月有松堪咏風當
風氣清爽玩月光玲瓏此景不可卽懷哉漁隱翁

曾璵

璵字東玉別號少岷瀘州人正德進士由戶部
郎出知建昌府按明詩綜朱竹垞曰王新建
定寧庶人之亂吉安守伍文定固稱首功同昔
贛州則當塗刑珣袁州則武邑徐璉臨江則臨
海戴德孺饒州則晉江林城廣信則閩周朝佐
撫州則鄞陳槐建昌則少岷也其師至雖有後
先實同力共濟少岷有收復南康功而不見錄
纂修地志者又沒其實故表出之詩雖未名家

蜀詩卷
亦清脫無塵氣著有少岷存稿若干卷今存詩

一首

南洲歌

南洲春早江籬生南洲日長沙鳥鳴郎君莫向北湖去
不似南洲烟水平

蜀明詩卷第三

衣辭銀無壘歲暮首少別寄謝
 前此春早...
 小...
 蜀詩卷二

蜀詩卷第四

明

新繁費經虞仲若選輯 岷陽孫澍子皋校訂

楊慎

慎新都人字用修少師廷和子年二十四舉正
 德六年殿試第一名進士官修撰後以議大禮
 廷杖削籍謫戍滇其記誦之博著作之富為有
 明一代第一澍按明詩別裁沈歸愚曰升庵以
 高明伉爽之才宏博絕麗之學隨題賦形一空
 依傍于李何諸子外技戟自成一隊孫子俊曰
 勝國蜀詩當以升庵為大宗惟是仲若原本僅

大明正德

古樂書 孫氏

一

選十餘詩不能美備。澍故從瘦石訂本，增入隆慶初贈光祿寺少卿諡文獻集若干卷。今編爲二卷詩二百九十三首。

雙燕曲

有鳥名飛燕，雄雌自相將。飲君玉池水，巢君文杏梁。美人當軒坐，恐沆羅衣裳。謂君驂除之，君恰不忍傷。雛生八九子，嬌愛比鳳皇。鳴聲何啾啾，聞我庭東廂。習飛還不遠，却墜雙扉旁。主人戒廬兒，毛羽無摧戕。不啄五株桃，不嗟玉田梁。秋風從西起，翩二向南翔。嗔困黃口兒，今爲烏衣郎。辭巢謝主人，華屋恩難忘。願主壽千歲，歲巢君君堂。

扶南曲

美人辭曲房，羅綺雜花香。遠思河邊草，柔情陌上桑。歸來庭下路，羞見紫鴛鴦。愁窺綠綺琴，絃澀不成音。鏡裏春二貌，窗前夜二心。臨邛人去遠，離夢繞花陰。清歌發皓齒，良夜足歡娛。誓好同心結，迎祥百子圖。千金當一刻，城上莫啼烏。遊賞上春時，踟躕望所思。花嬌初學臉，柳淺未成眉。問訊溝頭水，微波可致辭。

幡二中林葉別內兄黃峻卿

幡二中林葉迢二語離別，離別不可親。相思隔南津，南

津首北路莽。入烟霧。夙昔欣芝蘭。痾體成歡顏。只戀攜手好。豈却行路難。前有一樽酒。絃歌清商曲。行子唱驪駒。主人彈別鵠。別鵠影悠悠。寄音下西州。一言展契濶。再言申綢繆。

古艷曲

皎二復盈二。傾國又傾城。珊瑚絲結網。茗華玉篆名。宮女多相妒。非關君薄情。掩翠來玉塞。顧影戀金門。翠燭勞光彩。銀屏役夢魂。羅衣香未歇。猶是漢宮恩。

衍古諺

天馬龍爲友。來自渥洼池。青絲爲之絡。黃金爲之鞿。圍

人新承命。剪拂下瑤墀。騎出橫門外。茸二春草時。東城接南陌。觀者咸嗟咨。弄臣矜迅足。長鞭終日施。汗血忽憔悴。筋力盡驅馳。未樹邊隅績。徒爲治遊疲。始信殺君馬。端是路旁兒。

葵鏡吟贈右溪

花卉中有唐婆鏡者。一名羞天花。一名倒垂蓮。本草所謂鬼白也。其花背日。與蜀葵正相反。曾聞其名。今始見之。託諸聲詩。以寄同慨。

蜀葵與唐鏡。同節復爭鮮。蜀葵終向日。唐鏡每羞天。卉木異情性。造化均陶甄。安得指佞草。重植堯堦前。

明月篇

桂樹生銀漢。菱花挂玉臺。山明姑射雪。川靜海童埃。北
戶燭龍蟄。南枝烏鵲來。清光殊窈窕。流影自徘徊。樓上
盈二女。樽前灑二杯。孤桐不須薦。錦瑟正相催。

早秋野眺寄所遲客

蟋蟀鳴歲晏。爽鳩起涼氛。斜川有名飲。中林無雜羣。輕
輪逐水曲。空舫橫江濱。烟杪散靈籟。寒漪聚淥文。浦思
滯淫客。洲望夷猶君。夢想華月期。徘徊生碧雲。小山桂
將結。幽谷蘭當芬。馨香坐消歇。瑟音詎相聞。

赤岸山送別效謝靈運

茲山亘長江。合沓氣象分。朱壤凝炎德。光輝灼頽雲。陽
景有先曉。陰霞遲餘曛。朝暮多奇態。草木含靈氲。既下
鸞鶴侶。亦來麋鹿羣。石牀閱古薛。丹竈流烟瀆。遊屐久
蕪沒。仙跡空塵氛。曰予敦元尚。偕子挹清芬。東嶠拾瑤
草。西岳采香芸。行汎青木水。坐睇峩峩雲。躑躅守巖徑。
警欬何當聞。

于役江鄉言辭友生

祇命向南瀆。離羣感西河。英僚篤久要。同聲鳴相和。廣
筵開秩二。飛爵引傜二。披雲敷別藻。揆日促淹珂。晨裝
搖朔易。夕駕極岷嶓。旋軫陟駁原。擊汰凌鴻波。流瀾玉
輪汜。杳靄青城阿。丹誠薦蘊藻。元韻諧松蘿。臨睨自爲
美。契濶誰云過。游鱗樂靜渚。迅翼懷安柯。興彼緬焉情。
陳此勞者歌。

別用貞弟

征馬矯西首。離琴揚南音。懿親將遠別。置酒坐華林。中
量豈獨淺。強飲不盡斟。分手即歧路。千里在寸陰。習二
東風來飄。遊子心。山川修且濶。羈思壯難任。馳情大
一涯。結夢江之濤。要我清商節。聆子吹篴吟。

華清月夕

華清月華滿。清都元景開。玉霜竟宇降。金波穿雷來。鴻
濛澄寒霧。繚垣靜氛埃。蓮湯何窈窕。松嶺亦崔嵬。景滅
集靈殿。聲銷按歌臺。繁華自當歇。蕪沒誰興哀。清光有
今夕。欲去重徘徊。

清宵有清光

清宵有清光。虛堂更窈窕。月戶自娟娟。風枝何嫋嫋。樓
迴寒更遲。堞近飛鳥繞。露氣潤層簾。星光涵碧沼。美人
阻風期。幽懷寄天表。瓊想去翼長。寶刻來音杳。索居能
無言。歲月成遐邈。

首夏過西園得樂字

青雲何飄飄。華彩遠揮霍。阿閣翼景龍。出皋伴鳴鶴。信
宿訪烟霞。風尚本坱圻。赫曦中陸永。夏氣南榮薄。游樹
列丰茸。行欄護花藥。還近竹林遊。遂動蘭池作。甘瓜浮
清泉。碧盃凍寒酪。芰製鳧鷖親。林籟宮商錯。妙理寄沈
冥。興懷在歌詠。悠然莊鳥心。試誦思歸樂。

與方思道別

子有東山行訪予東城曲承風動別颺揆景淹離旭青
翰下新波驪駒遵往陸贈言已結詒晤語猶更僕風二
宣宮商郁二披華縵煌二東洛都濟二英賢躅端居促
席輕分歧馳念篤芝蘭在久要丹雘矢相勸幸駛星駕
期共玩春芳綠

安石公館賞並蒂蓮得井字

何處同心花移根七仙井日彩曜聯華風漪漾雙影金
塘宛虹欹翠盃沈霞靜已近交疏窗復接參差苻露飲
對壁人深颺失炎景南游遲采芳相思歲將冷

別陳玉泉

玉人將遠別投贈瓊數篇惠而能好我徘徊病榻邊感

此萬里行曷月重周旋秦地四方樞神皋接英躔八水
忽橫流九嶷俄震騫來旬屬大雅申畫寄名賢平成紹
禹績元圭獻堯天參井與岷嶓星土元相連應念滄浪
叟好音遘鴻傳

於離會作

遙二事行役落二無安居奉義徂江漢成旅候輶車密
親念睽隔賓筵集華裾流聲何肅穆照夜交瑛璵率爾
拜嘉貺何以報相於霜雪淹畱易日月方向除曲湟浮
綠藻太液敷丹蘂欲嗣北來音託之西上魚

答程以道

驅馬國西門整駕城南端出宿指賓館飲餞臨河干中

道逢嘉友。誰云行路難。四海皆兄弟。况是平生歡。贈我錦繡段。佩之當衿聲。一施膠與漆。申契芝蘭芳。不歇膠漆情。無殫願。爲雙飛。鳧隨君千里翰。

行旅

行旅苦日短。勞人却路遙。忽二歲云莫。客心中搖。曠野饒寒氣。四望但寂寥。嚴霜下豐草。朔風鳴枯條。浮雲起爲蓋。堅冰結爲橋。白日隱餘照。冬陰掩層霄。鳴轂無停輪。嘶馬不解鑣。飛鳥夕却還。征途何迢。無以慰苦辛。興言自成謠。

五日汎湖

雞鳴海色動。日出林霏開。紅霞晃金碧。赤帝騎龍來。新晴宜理棹。佞佛遊仙臺。榜歌聲流喝。絲管清且諧。且須醉一斗。以緩腸九迴。

江陵別內

同泛洞庭波。獨上西陵渡。孤棹泝寒流。天涯歲將暮。此際話離情。羈心忽自驚。佳期在何許。別恨轉難平。蕭條滇海曲。相思隔寒燠。蕙風悲搖心。蘭露愁霑足。山高瘴癘多。鴻雁少經過。故園千萬里。夜二夢烟蘿。

澗曰一起黯然魂消

離思行

飛蓬無根株。飄颻隨風起。遊子辭家鄉。流落在萬里。當歌有苦調。對酒無欣喜。閉門愁緒集。出門多荆杞。傍得

安所之斷腸分流水。二流何潺湲。遠遊幾時還。
南望蜻蛉道。西眺渠濫川。石子何磊磊。二水流何潺湲。二山
川隔宇縣。仰視空雲烟。鴻飛遠不到。書迹何由傳。愁來
坐自歎。氣結不能言。願假黃鵠羽。輕舉隨風旋。

采蘭引 有注

廣通縣東響水關產蘭。綠葉紫莖。春華秋馥。蓋
楚騷所稱。紉佩之蘭也。人家盆植。如蒲萱者。蓋
蘭之別。曰蓀與芷耳。時川姜子見而采之。以贈
予。知九畹之受誣千載矣。一旦而雪。作采蘭引。
秋風眾草歇。叢蘭揚其香。綠葉與紫莖。猶二山之陽。結
根不當戶。無人自芬芳。密林交翳。二鳴泉何湯。欲采

往無路。跼步愁寒裳。美人馳目成。要予以昏黃。山谷歲
復晚。脩佩爲誰長。采芳者何人。蓀芷共升堂。徒令楚老
惜。坐使宣尼傷。感此興中懷。絃琴不成章。

送陳德潤還茂州

鐘鼓寧樂鷄。文繡詎飾豨。逝隨扶搖翔。何似搶榆飛。勞
者恆思息。遊者恆思歸。達生貴止足。君子當知幾。宦途
類嬰網。稅駕真解徽。陽阿可晞髮。高岡堪振衣。二時
過中戚。二何歔歔相期保。耄齒逍遙敬良暉。

學樊圃

夙尙堊園心。憬彼逍遙樂。幸從墨衣行。得謝朱絲縛。鋤
榛理荒疇。薤茸塞長薄。抱甕代桔槔。樹枳當籬落。春秋

小八
登言卷四
蒨非菘陰陽分。藁藿寒瓜織女薦。雲實仙人削紫莧。春
雨零絲葵晨露泊。下箸有常期加餐無爽諾。厭酌賓筵
醴。寧美屠門嚼。聊爲野人謀。毋詒君子噓。

辯義井

息壤海脈通。幽壑泉華注。浚發百尺靈。沛澤千人聚。光
爛九霄漿。美吸三危露。朝縷環村氓。夕杓喧隣孺。碧甃
自葳蕤。銀牀謝雕鑄。南中饒炎燠。北陸無凝涸。嗽盥冰
齒寒。存想冬髮駐。蒙莊笑罔蛙。義象占谷鮒。甘芳本易
竭。澄滌良難遇。且從投轄飲。休傷輻裳賦。

悠然亭

蕭二者東籬。峩二者南山。二色無遠近。如在咫尺間。茅
亭敞瀟灑。華門恒反關。朝見歸雲駛。暮見飛鳥還。飛鳥
不可卽。歸雲不可攀。悵我窮荒謫。再見籬菊斑。列樹何
丰茸。流泉亦潺湲。永日無氛翳。地隙景自閒。時枉幽人
侶。暫解遊子顏。清風已千載。餘波及懦頑。

擬古

上山采交藤。下山逢老翁。髮白顏轉少。疑是古韓終。此
翁何所居。乃在深山中。左右猿狖穴。前後虎豹叢。風雲
徑路絕。人跡那能通。問年不肯答。長嘯氣何雄。翩然輕
舉去。策杖如飛鴻。

登大慧寺迢然臺是日杜鵑鳴于北都

驅馬出城闕。置酒臨高臺。高臺見百里。坐望西山隈。雲

小八
氣何飄。二。兩鬢卽蓬萊。前有芳樹林。清陰鬱徘徊。飛鳥遺之音。宛轉悽以哀。杜鵑非北羽。誰遣從南來。常恐商飈發。使我脩蘭摧。長歌行路難。感激傷中懷。

贈張愈光

孔雀生南溟。裴徊紫蔚林。文采旣彪炳。與世亦殊音。時哉固多觴。虞羅忽見尋。羽毛琴以儷。阿閣迴且深。一彈哀鸞唱。再撫孤鷄吟。荒途不可踐。爲君愁我心。大雅淪千載。正聲代以微。鷹隼乏翰采。雉翬無高飛。有鳥來西極。羽羣實所稀。風穴吸沆瀣。天池濯毛衣。颺二千仞翔。郁二九苞輝。君才文苑鳳。隼雉焉能希。梧枯醴泉竭。日暮恆苦飢。何時逢天姥。駕言乞扈歸。

送終安人王氏葬恩波阡

石流何潺湲。二。湟潦增其波。天陰日易曠。野悲風多嚴。霜下喬木零。雨泣不柯。蕭條我行野。傷心悲如何。中道失嘉耦。送此山之阿。凜二歲方晏。誰與同歎歌。君看彼鳥雀。各自安其窠。

效古

朝遊巍峩宮。暮墜峭嶇壑。面笑背成嘆。春華秋已落。耳餘互侵陵。田竇相傾奪。富貴生不仁。榮華有銷鑠。何如商山翁。茹芝詠莫二。冥鴻度達陵。樊籠豈栖託。樹曰富貴十字語。有至理。

送曾東石

文鳥生峨山來翔十二樓覽德簫韶下長鳴向南州翩
翩慕儔者睠二不可畱河梁一相送飄風吹方舟山川
隔光彩嘉會期三秋清商易終曲何以慰離愁常恐麗
澤遠索居多愆尤馳心如日月光彩隨南流脫有歸飛
翼因之問阻脩

秋日雜詩

秋霖溢城闕后土何時乾周行無軌轍出入阻且艱長
安有一士華門晝長關開徑理蓬蒿荒我蕙與蘭蕙蘭
日將歇蓬蒿不可刪仰首向浮雲慨然增永嘆

和方思道毛塢之作有序

毛塢之什棠陵方子所作也一曰出棘竹二曰

解藤杉三曰竈觚桐四曰榼中鯉升庵子讀而
愛之倚而和之改爲冉二孤生竹裊二杉上藤
情二竈觚桐育二榼中鯉如其章如其句如其
意如其聲

冉二孤生竹遲此方苞川玉節本璘珣孚尹亦旁達叢
棘紛糾纏興言誰剪伐詩人執斧柯君子在林樾朝看
清陰成暮聽商飈發一歌猗蘭榮再占秦茅拔不有栽
培心曲直竟何掘

裊二杉上藤翳此荒水濱蛇蚓一以結虬龍何由申清
風扇中壤渥露溥高旻奇樹既有華散木亦有身歲寒
異凋謝發生何齊勻匏瓜徒自繫持此嘆迷津誰當貢

衢室上與階莫倫

惜二竈觚桐采自樵人塢徽軫不得薦構榼亦何補况
復近庖廚宮商委泥土哲匠秉清規知音慕中古正聲
歸雅琴俚耳羞簧鼓中郎不可見虎賁猶堪取何時期
幽尋淥水遊春渚

謝曰虎賁五字就上句中郎用典更轉一層律以語

病是為支離

育二榼中鯉本是充庖魚戢鱗隱文章駢首相沫濡豫
且下清冷元君夢多夫品物雖異流共戚亦通娛但取
莊生樂那知子產愚放之悠然逝相忘於江湖誰言爾
為爾自信吾忘吾

寄嚴維中

美人在桂林貽我金琅玕高情與逸思遙下青雲端相
去萬餘里黃鵠飛猶難湘灘何悠悠衡麓峭增盤擊汰
浥清泚振衣凌嶺岵奇觀洞前古嘉藻畱英翰壯遊輕
路永遠別驚年單夢澤流漸解鈴峯零露溥遵途返星
駕會闕峩雲冠伊予嬰夙疾塊然慕朋歡愧彼桑蓬志
甘此藜藿餐懷書重端綺佩言芬如蘭始願愛青華終
期同歲寒

暑雨新霽觀墨池上放溜

伏雨倏云霽溼雲澹無霏頽陽散長足駭霞呈詭暉岑
青欲近人空翠驚濕衣緒風爽烏裕織月流金徽枕疾

小二十
塵囂隔門。局車轍稀。夢初南華靜。戰勝西河肥。猶慙枯
棹戲坐。貽抱囊譏。

悲酸行

少日多懽。老境足悲酸。悲酸一何易。懽一何難。遊
子久不歸。憔悴羈南冠。親庭隔千里。夢中路漫。二年來
轉漂泊。居處無恆安。征馬常苦瘦。旅席常苦寒。有客過
我門。勸我強加餐。春陽正發育。覆載本自寬。窮途謝好
音。白意于青翰。

遙夜吟

原註懷馬山也會
阻于期情見乎辭

明發葉榆城。暝逗蘭津渡。超忽類飛翰。往來如織路。僕
痛馬亦黃。簪短帶復長。天高誰行問。日暮坐自傷。鴻飛

畏逢羅虎飢。正出柙寒流。泚冬冠涼風。吹白帽子。有負
俗累予。乃投荒人。睽形而比影。異習仍同塵。晤言能幾
朝。契濶還疊夕。浪跡苦難并。嘉會良易擲。翻憶在滇海。
翻思在燕然。耀歌花館醉。清梵雲房眠。丹熒耿遙夜。烏
白聒五曉。相望不可晨。咫尺限雲杪。

南中曉寒曲

南中異節候。北陸戒裘鑪。夜凍玉樸遯。朝寒金畢逋。可
念無衣客。誰徵褰與襦。

蒙鳩篇

辭家鄉。去親愛。遠從軍。萬里外。日暮曠野。霜風凍我。有
夫行惻。營巢寄所。蒙鳩語老鷓。摘巢捫去之。老鷓言此

鳥是鳳皇。捫之恐不祥。但可嚇去之。不令在我傍。鳳止
鳳飛。羽毛摧頽。五里一返顧。十里一徘徊。山川嵯峨嶽
岑隱阿。且飲晨露餐。朝霞禍無常。門福無常家。咄嗟呼
傷哉。謂之何。

舞姬脫鞋歌題畫

潘妃睡起冷金沙。弓鞋半脫雙鸞斜。越羅韞襪齊紈素。
彩霞搖曳香生步。早路金蕖白日娥。芝田洛浦凌微波。
曳霜回雪下平地。琉璃滑澤春雲膩。花鬆玉軟嬌無力。
天公一笑生春色。寶闌困倚殢蹀躞。小玉雙成扶不得。
起來翹翠蹋芳塵。妝臺搦鏡重梳勻。人間絕世誰相并。
月鉤下鬪細鉤新。

青海引

長白山前。喝黑風。桔槔火照甘泉紅。五千貂錦血邊草。
單于夜帳移。湟中華。林酒艷。長庚醉沈香。春濃海棠睡。
金馬門如萬里遙。那知青海城頭事。

田家喜晴謠

玉女投壺玉皇側。海童拖霖海天黑。風雲閃日一笑雲。
雲氣烘爲雀頭色。須臾變作樓梯天。黃綿襖出曬破磚。
茅簷夜望黎星沒。蘆絮飛殘水生骨。

畫草蟲爲黃月坡賦

天下幾人畫草蟲。吳興公子癡孫隆。冰縑雪練鳴擢。二
丹屏繡几飛薨。二漁父蜻蜓愛釣縷。美人蟋蟀嫌雕籠。

百種生意何融二夷羊非羊鴻非鴻長卿帶晚翠簡子
矜秋紅王孫西遊歸未得清江碧草烟濛二憶昔曹不
興點蠅惑頤翁滕王掃蛟蝶摹搨喧唐宮宋家道君入
能品鸞標鼈軸沈氎穹古來好手竟寂寞老癡江東灑
絕跡君不見醯雞發覆天夢二蠓飛蝗雨蟲飛風小癡
大黠應物理孫癡非癡乃其聰癡翁之死雖繼出西川
曹狂稱最工癡狂乃有兩絕藝燭耀滇南與江東竭來
曹狂數相見吮毫蠲紙驚飛蓬月坡仙人好奇者賞鑒
自與山谷通鳳嬉亭前月瞳二更僕不知寒漏終銅盤
燒蠟春如烘懸圖索賦何恩二蛟脚細字盈方空酒酣
操觚持似公雕刻自愧吾家雄

陽關圖引

行二重行二送客安西征可憐渭城曲已作陽關聲陽
關去渭城四千五百里纔聞征馬嘶初見行塵起行塵
征馬短亭前弱柳垂楊古道邊已憐柳葉青如線更愛
楊花白似綿柳葉楊花春正好輪車且駐長安道玉壺
清酒競芬芳金谷艷歌殊窈窕徘徊共勸少畱連泯默
相看兩傾倒別鶴離鸞曲易終百鶴飛燕互西東二窈
翠幘城隅日獵二紅旗野渡風斷歌零舞情難寫分手
回頭淚盈把安閒堪羨采薪人瀟洒誰如釣魚者天涯
風物異方身爭似在家相對貧鄉夢三更懸馬首回腸
九折繞車輪銷磨歲月緣名利鴻飛不至人偏至我所

小文
思兮明月同君之出矣。浮雲異龍眠古刻昏莓苔。蕭郎
彩筆生綃開。銷魂莫續江淹賦。好畫陶潛歸去來。

送余學官歸羅江

豆子山打瓦鼓。陽平關撒白雨。白雨下娶龍女。織得綃
二丈五。一半屬羅江。一半屬冬武。我誦綿州歌。思鄉心
獨苦。送君歸羅江浦。

謝曰沈歸愚曰全用綿州歌後只綴四語送行另是
一格

鄒生行贈謙之編修謫官廣德

彗星夜掃文昌宮。天下學士悲途窮。鄒生上書叫閭闔。
九關虎豹難爲通。雷公怒號玉女笑。囚笱鸞鳳隨沙蟲。
蠖伸龍屈應物理。曲鉤直莖羞謠童。君不見賈生昔遇
漢文帝。一疏反覆雙流涕。忠臣自古憂聖明。近侍何曾
忘獻替。石渠天祿君少年。文彩照耀金華筵。從祀擬奮
獲麟筆。豐稱思陳雉。篇以茲瓠落甘流放。金馬長鳴
下山仗。北極逍遙紫氛旁。南陵彷彿丹堊上。涼風蕭蕭
吹五兩。披瀝聊騁平原望。遷客心隨江水流。遊子夢繞
浮雲嶂。清商吟激楚。唱酒闌擊節氣悲壯。月寒江清劍
光盪。水有蛟螭陸犀象。感慨贈君隨君向。君向江湖脫
網羅。我淹京邑阻烟波。乘風焉得騎鴻鵠。萬里相隨一
羽過。

孝津行

小八
岷山青蟠空下映犍爲江二濱有孝娥自名叔先雄娥
父爲功曹冉二趨府中泛舟越洪濤捐軀以凶終娥也
痛父死臨困矢相從練囊封兒臂珠環繫兒躬寄言與
兄別二去不再逢甯假鼉鼉梁直下蛟龍宮川后垂帑
鑿江妃憐丹衷死抱父尸出依泊蘆花叢戚黨悲復感
閭里信且闕風竝動今古廟貌森穹崇文紀與令伯祠
墓相西東解使犍爲縣永作忠孝邦岷之山石可泐犍
之江波可竭千秋菊兮萬春蘭孝娥之名焉可滅

三岔驛

三岔驛十字路北去南來幾朝暮朝見揚一擁蓋來暮
看寂二回車去今古銷沈名利中短亭流水長亭樹

禹碑歌

禹碑在衡山絕頂韓文公詩云岫嶺山尖神禹
碑字青石赤形模奇科斗拳身薤倒披鸞漂鳳
泊拏虎螭事嚴跡闕鬼莫窺道士獨上偶見之
我來咨嗟涕漣漉千搜萬索何處有森二綠樹
猿猱悲詳詩語始終公蓋至其地矣未見其碑
也所謂青字赤石之形模科斗鸞鳳之點畫述
道士口語耳若見之矣發揮稱贊豈在石鼓下
哉迨宋朱張同遊南岳訪求復不獲後晦翁著
韓文考異遂謂衡山實無此碑反以韓詩爲傳
聞之誤云再考六一集古錄趙明成金石錄鄭

漁仲金石略之三家者古刻臚列無遺獨不見
所謂禹碑者則自昔好古名流得見是刻亦罕
矣碧泉張子得墨本于楚持以貺予二撫卷而
歎曰嗟乎韓公所謂事嚴跡闕者信夫不然何
三千餘年而完整無泐如此何昔之晦何今之
顯晦者何或翳之顯者何或啟之天壽珍物神
飫吾嗜不必以生世太晚爲恨也已作禹碑歌
以紀之

神禹碑在岫巉尖祝融之峰凌朱炎龍畫傍分結構古
螺書匾刻戈鋒銘萬八千丈不可上仙扃靈鑰幽而潛
昌黎南遷曾一過紛披芙蓉塞水簾天柱夜瞰星辰下

雲堂朝見陽輝遲追尋夏載赤石峻封埋古刻蒼苔黏
拳斜倒薤形已近鸞漂鳳泊辭何纖墨本流傳世應罕
青字名狀人空瞻永叔明誠及浹祭集古金石窮該兼
臚列箴銘暨款識橫陳駢購和釜鬻胡爲至寶反棄置
拮據磨蟻捐烏蟾又聞朱張遊岳麓霽雪天風影佩褱
搜奇索秘跡欲遍春倡撞和詩無厭七日崎嶇信有覲
一字膏馥向忘拈非關峭嶮阻登陟定是藤葛籠窺覘
好古予生嗟太晚拜嘉君貺情深快老眼增明若發覆
尺喙禁斷如施箝七十七字拏螭虎三千餘歲叢蛇蟠
憶昔乾坤漏息壤蕩析蒸庶依苓糝帝嗟懷襄咨文命
卿佐涿洞分憂惓洲并渚混沒營窟鳥迹獸迹交門簷

小文
獨言卷四
竭來南雲又北夢直罄西被仍東漸黃能三足變鮫服
白狐九尾歌龐禘後乘包湖受玉籙前列溫洛呈疇蠃
永奔竄舞耶辭牴平成天地猶垂謙華嶽泰衡祇鎮定
鬱塞昏徙迷喁噉文章絢爛懸日月風雷呵護環屏黔
君不見周原石鼓半已泐秦湫楚詛全皆殲此碑雖存
豈易得障有嵐靄峰岷巖登音夔絕杜藜藿弔影颺瑟
森樛栢湘娥遺佩冷斑竹山鬼結旗零翠藪造物精英
忌洩露祇恐羽化難畱淹欲摹拓本鐫崖壁要使好事
傳細縑著書重訂琳瑯譜裝帖新耀瓊瑤籤麝煤輕翰
蟬翅搨煩君再寄西飛鸚

澍曰塊磊軒昂昌黎生所謂妥貼力排異者

題唐人閨秀熨帛圖

碧梧葉落紅閨晚
玫瑰砧敲月催金剪重
海簾銀蒜垂
曲二山屏阜羅展
廣儲懸月二初臨
緹幕染霜二已深
禁瘁銖衣圍夜玉
嵯峨寶髻辟寒金
雲母箱開同心鎖
鈿鈿香浮九微火
秦篝齊縷門紛華
蜀錦吳綾分婀娜
熨帛申繒憶遠行
遙二夜二不勝情
百層妾住垂花塢
萬里君居碎葉城
垂花碎葉音塵隔
春去秋來感行跡
深閨心斷結蠶書
絕塞眼穿無雁帛
明燭蘭膏照獨眠
蛾眉曼睩爲誰妍
試看裴羽相思夕
何似徐吾共績年
澍曰卽用唐人體是大家著題法

河橋篇寄用貞懋昭

渾河流水桑乾潮。何年伐石駕長橋。鼉鼉窟近填烏鵲。
 滄海波平上赤霄。尋源知近遠。浩二鴻流滿平連。太液
 池。迴接昆明苑。帝里神皋紫氣中。天江析水銀潢通。澗
 漣卜洛應相並。灞漭朝宗詎可同。星傳雲槎下城闕。電
 逝飈馳交冀越。橋外車音響若雷。橋畔闌干明似月。可
 憐楊柳裊晴烟。才見藏鴉又噪蟬。東西溝水分歧路。南
 北烟霜感歲年。沈璜使者辭芳甸。聯璧才人遙出餞。別
 浦清沙漾縠紋。回激秋濤收組練。飛蓋臨風緩去旌。薊
 門落日彩霞生。懸知濯錦江邊夢。轉見蘆溝橋上情。

江上聞箏曲

清江明月懸光彩。映漪漣燈影近臨水。箏聲遙出船明

月華燈兩相照。箏語絃聲何么妙。輕璘編彩艷陽歌。掩
 抑摧藏苦寒調。不見新妝出鏡臺。想應纖手拂香埃。若
 非汝南劉碧玉。定是秦中薛夜來。二八蛾眉競丰蔭。十
 三雁足傳情徧。温侯帳底氣若虹。謝傅筵前淚如霰。舊
 寵新期容易乖。高張疏節迴難諧。金杯漫自傳芳酒。羅
 袖空勞挂玉釵。曲終如鼓湘靈瑟。斷腸似和胡笳拍。淩
 雲未遇揆天才。幽吟一夜東方白。

自香松堡至金龍峭山水清奇馬上贈王天敘
 斐鴻夫

香松堡金龍峭。山水刻屈更清峭。蛟拏虎攫樹相繆。燕
 闌鶯閒花自照。雲隈月渚兩風流。並馬探春亦勝遊。温

泉華頂遙相待莫遣東風笑白頭

關山月

迢迢賤妾隔湘川。杳杳征人戍朔邊。分弓營對珠龜缺。掛鏡臺臨玉兔圓。紫塞風烟白登接。黃河波浪黑山連。何時空外嬋娟影。來照樓前歌舞筵。

題夏仲昭竹寄陶良伯驥

太常胸次瀟湘寬。少年愛寫生琅玕。白頭藝苑更入妙。筆法遠追王孟端。兩家名藻雄吳下。品題未覺風流亞。一紙能令百世傳。兩竿不啻雙金價。人言畫竹非畫工。草書結構將無同。誰家高堂名寶繪。徐熙花鳥迷青紅。玉人佳興松江東。寄圖索賦隨長風。遙知把玩清香裏。

正是相思明月中

離席行送彭二

管子從軍巴蜀山。橫戈千里何閒關。坐使麒麟日月煥。行收魚鳥風雲閒。文武才名歸一姓。兄弟勲華誰許並。起晚已謝時運傾。當陽再覩乾坤正。陟崗在原來復返。海水天風歲將晚。行二白馬燕雪深。飛二黃鵠秦雲遠。離堂命酒羽觴疾。畢昴盈軒月東出。主人畱連客離席。慷慨爲子歌今夕。

錦江舟中對酒別劉善充

錦江烟水星橋渡。惜別愁攀江上樹。青二楊柳故鄉遙。渺二征人大荒去。蘇武匈奴十九年。誰傳書札上林邊。

小八
北風胡馬南枝烏腸斷當筵蜀國絃

賦得千山紅樹圖送楊茂之

蕭郎雅工金碧畫愛畫碧雞與金馬畫作千山紅樹圖
行色秋光兩瀟灑搖落深知宋玉悲登山臨水送將歸
丹林初曉清霜重紫谷斜陽赤燒微故人辭我故鄉去
滇樹遙二接巴樹桑落他山共醉時楓香客路消魂處
白首遐荒老未還流波落木慘離顏錦官紅濕那能見
千里隨君夢裏攀

題扇贈張愈光

張子扇頭水墨痕畫我讀書秋樹根天涯對此各感慨
我未成歸子苦奔空谷白駒形影瘦南山名豹風塵昏

孔明廟前老柏樹商聲激越歌無句門外僕夫引西路
點蒼璘二莽回互

澗曰奔字韻不穩

辛卯除夕飲潘郎金斗歌

主人新得黃金斗好客尊前爲余壽招搖揭柄轉春星
沆瀣騰波挹仙酒天涯今夕歲云徂痛飲狂歌夜良久
乍可用爾爲鴟夷萬事盡付持螯手君不見商彝周鼎
徒聞名見之不識人不取

謝周健夫惠易冶劍歌

仙翁劍客元同流昆吾歐冶誰能儔鑄成寶刀戛琳瑯
蛟龍宛轉盤斗牛上有款識燦銀鉤二起如雲色浮

小十、
天吳俛首黔羸愁。白日犀塵不敢留。却鼠鳴鴻赧然羞。
使君得此自岑州。太行剛風鷹隼秋。何物妖魅干天囚。
一揮可當萬貔貅。蛇神鬼母抱地喉。霜稜霞燄夜不幽。
獨騎赤驃馬。素驪身披昂藏日。本裘上黨霰宇。拳蜺嶠。
星沙月窟輝滄洲。天門狃二虎豹彪。瑤臺佚女之寒脩。
歸來菌閣與蕙樓。水擬方壺山擬緱。吹首一啖嗤莊周。
生平不能作蒯謳。乍可公孫舞纏頭。蓬髮濡墨驚潛蚪。
雲岑仙人意氣投。解后贈我千金酬。沈烽靜柝無國仇。
含光承影將何求。夸娥巨靈機已休。洞庭君山如苔漚。
他時相攜負嶠遊。

南枝曲 有注

會川五里坡。羅二峭邊有古梅一株。婆娑蔭映。
形如曲蓋。封蘚斑駁。文如篆籀。蓋數百年物也。
予平生所見梅樹。此爲冠絕。惜乎老于窮山絕。
域也。玩歎之餘。爲作此曲。

我渡烟江來瘴國。毒草嵐叢愁箐黑。忽見新梅粲路旁。
幽秀古艷空林色。絕世獨立誰相憐。解鞍藉草坐梅邊。
蓋蓋香韻風能遞。綽約仙姿月與傳。根地錦苔迷蟻縫。
樹杪黃昏搖鳥夢。飄英點綴似畱人。顧影徘徊若相送。
焦桐椽竹亦何心。中郎一見兩知音。誰謂南枝無北道。
願譜金徽播玉琴。

垂柳篇

大三十八十

詩集四

十三

古棠書屋

楚雄苴力橋有垂柳一株婉約可愛往來過之
賦此志感

靈和殿前艷陽時忘憂館裏光風吹千門萬戶旌旗色
九陌三條雨露姿蒼涼苑日籠燕甸縹緲宮雲覆京縣
芳樹重歸院迷飄花點臨池見臨池歸院總仙曹
應制分題競彩毫詔乘西第將軍馬詩奪東方學士袍
金明綠暗留烟霧舊燕新鶯換朝暮只知眉黛為君顰
肯信腰肢有人妒從此沈淪萬里身可憐憔悴四經春
支離散木甘時棄攀折荒亭委路塵搖落秋空上林遠
婆娑生意華年晚腸斷關山明月樓一聲橫笛清霜坂
澗曰詩意所謂樹猶如此人何以堪

海風行 有注

下關臨蒼海點蒼之衝有石梁曰天橋口歲恆
風烈偃樹走石人馬辟易予夕憩客郵聞吼聲
傍枕發响適過之纖蘿不動乃賦以志

蒼山峽東滄江口天梁中貫晴雷吼中有不斷之長風
衝波動林沙石走咫尺顛崖迴不分征馬長嘶客低首
我行其野歲仲春寒野陰雲物屯病骨凌兢坐自躓
欲去未到先愁人山靈相假若有神纖蘿不動停飈塵
烏鳥聲樂旅顏破僕夫笑語龐眉伸翻思往昔蘭臺直
披襟曾奮雌雄筆金門玉堂遠別來景差唐勒長相憶
飄蓬落羽向南荒憔悴榮華寧有常不學回風悲屈子

江邊愁結芰荷裳

琵琶短引

原注唐池南席上作

漢宮佳麗呼韓婦黃金捍撥春風手
鵝鳳宜承馭娑恩
天羊堪作穹廬偶行
北斗望南看馬上一聲堪白首
茫二烟草叫胡笳漠二塵沙雜刁斗塞垣三秋少雁鴻
幕庭四月無花柳楓香絕調今共憐
糞英幽恨君知否
遺譜誰將異代傳艷辭自出騷人口
賀段本領昔已荒
穆曹官調知何有定子新從北里來
管兒不見東牆樓
華表工雕犀四稜錦條自結絲千縷
撚絃運軫翠蚪盤
促搗急節朱鸞走輪袍古引連瑣新
驚颿截浪忽雷吼
曲終賺尾復重頭掩却瓶笙兼瓦缶
良夜邀歡松炬難

主翁愛客江魚剖善謔欣逢宋魏三
知音况對唐元九
飽諳世事反覆多甘向天涯淪落久
船中肯濕馬曹衫
樽前且進牛叟酒

澍曰隸事太多轉覺本領不濟

寶慶相臣篇

寶慶相臣大商賈不販海貨販宋主
晝化飛燕啄皇孫
夜駕老蟾嬪月母四十一年富且融
格天偃月將無同
老死牖下猶未艾生魂歸來稱鬼雄
君不見井研諫臣
鄧若水一疏彈姦澹庵比拾星漏曦
非良史續宋綱目
者誰子

過駐節橋讀東阜劉遠夫公碑文愴然有感

溪尾水沄二峰頭正夕。曛含悽。經駐節。酒淚讀碑文。橋南花如浣。花好橋北油。二生碧草。二色逐年新。花開又一春。可憐東阜客。今作北邙塵。憶昨錦江離。別處江邊手。折垂楊樹千里還。鄉不見。君斷腸。隣笛山陽賦。

送樊九岡副使歸新繁

別君于南雲碧雞之澤。追君于東城金馬之坡。酌君以蓮蕊清麴之酒。侑君以竹枝巴渝之歌。天涯歧路鎮長在。故人零落渾無多。憶昔君為漢陽守。滄浪之清古無有。拂衣掉頭不肯顧。飲水舊謠在人口。明詔復起句町行。官突未黔先濯纓。宦遊不博歸故里。榮祿何如全令名。九隴高岡白雲野。吾廬世耕在其下。清冷好結鷗鷺

盟春秋。願醉雞豚社。蜃雨蠻烟老。海關小山叢。桂不同攀。愁心如月。何時撥夜。二隨君夢裏還。

謝曰一起藍本山谷送王郎

伏枕行贈嚴應階

慎也投荒今五年。竭來臥病左足偏。臨牀伏枕與子別。心斷神傷魂黯然。憶昔去國行戍邊。弔影纍纍入瘴烟。永昌試問在何處。都門途遠萬三千。虎豹書橫林箐側。魑魅夕度關山顛。肝腸欲絕隴頭水。夢寐忽到夜郎天。肉黃皮皺形半脫。喜一見子日周旋。除館西河客樂土。傾壺北道賓初筵。悲歌慷慨悲壯士。風流儒雅追先賢。解鞍青華洞。褰裳碧玉泉。抽子瓊敷藻。枉我瑤華篇。衰

遲遠尋留藥價寂寞時寄買山錢同年意氣同兄弟異
 鄉會合情尤異貧交豈歎雲雨翻急難實在風波地昂
 昂嚴夫子矯二人中龍長才抱經濟大雅含春容叩之
 清廟緬朱瑟懸之東序鏗金鏞我今甘心憔悴窮山中
 子亦胡為淹留簿書叢朱輪五馬人生貴青翰雙魚海
 若宮七澤霜風鳴五兩白蘋丹楓渺予望分手遙指大
 江西愁心已挂匡廬上嚴夫子交謔非凡流往時傾蓋
 今白頭子行高步隘九州我病崔嵬思一韭水蛭草駢
 那忍棄雲鵬籬鷄難相求待子功成採藥去期予共結
 逍遙遊

與劉虛湖醉對白石畫舫亭

七十二年老遷客騎馬復走滇雲陌二妙風流絕代無
 談笑渾忘窮海謫畫舫亭前花正開佛桑含笑粉紅腮
 畫圖更愛韓熙載一幅嬋娟進一杯

蜀明詩卷第四

| | | | | | | | | | |
|--|--|--|--|--|--|--|--|--|--|
| | | | | | | | | | |
|--|--|--|--|--|--|--|--|--|--|

聖訓卷四 聖訓卷四 聖訓卷四

聖訓卷四 聖訓卷四 聖訓卷四

聖訓卷四 聖訓卷四 聖訓卷四

